

宋

會

要

宋會要弓箭手

過

真宗景德二年五月知鎮戎軍曹瑋言有邊民應募為
弓箭手者欲給以境內閒田每邊防警急皆願為前鋒
而官無資糧戎械之費請永蠲其田賦使得安居徙之
大中祥符四年九月七日涇原路鈐轄曹瑋言龐山
外籠竿川熟戶蕃部以閒田輸今已規畫於要害之地
立堡寨募弓箭手居從之 五年八月廊延路總管曹
利用言沿邊所居歸明人戶防邊立功者望補為弓箭
手十指揮詔利用詢其人如願為之及經久利便即依
所奏 六年十二月涇原路兵馬都鈐轄曹瑋言原州
五井堡弓箭手指揮使張文義彊毅有膽決請補蒲州

蕃落指揮使真宗曰弓箭手人員乃自鄉民補除給冬
服外元無衣糧未立顯効便補蕃落軍職即起越太甚
可副指揮使仍以此意諭瑋 七年十月吏部員外郎
李及言廊延路正當邊防所管弓箭手負僚指揮使自
來並無衣甲乞許量行置辦以備緩急從之 仁宗天
聖二年九月陝府西路轉運使范雍言准詔旨相度原
州沿邊弓箭手欲將慶州割屬柳泉鄉趙明等百八十
四人并顯德五年至咸平三年抄點到係稅弓箭手四
百人放免歸農應副州縣色役其無稅弓箭手且令存
留者竊以原州最處極邊全藉新舊弓箭手諳會蕃情
道路經慣出入自備鞍馬器械糧食分番極邊防托後

又舊弓箭手准宣敕置立子父兄弟相承州縣不曾差
撓久經使喚武藝精熟新置弓箭手邊上差使頗得氣
力今故免舊弓箭手却令應當鄉縣色役不惟極邊關
人把截兼慮人戶願就輕役邊補有妨欲乞依舊存留
縣司不得妄有差役徙之 六年四月詔渭州鎮戎軍
所招弓箭手自今揀選及於左手背上各據州軍名刺
第幾指揮字不得虛立人教請射官中地土又鎮戎軍
三百餘人不曾令耕種所有新人無處歸投令將新開
壕裏地土分劈與側近弓箭手等耕種依鄉原例輪租
課 九月詔鎮戎軍弓箭手凡五十四指揮共有七千
九百餘人令并為三指揮名額 七年五月鎮戎軍言

昨聞托新壕包括山林甚多近西人多伏林莽以害性
來乞公壕立堡以弓箭手防托從之 十一月涇原路
鈐轄兼知鎮戎軍王仲寶言准宣鎮戎軍弓箭手自今
拋下地土逃走避罪三五日首身者依格法區分却給
舊地土逃走一月以上地土已別招種種時即永不得
收錄姓名近准宣令所招弓箭手並於手背上刺弓箭
手指揮字號欲乞自今如有未刺手背弓箭手逃走一
月內首身徒獲者決訖亦刺字號收管差使一月以上
止依舊例永不收錄姓名將地土別招人請射其已刺
手背正身逃走權令本家少壯兒孫弟侄承替應役如
無得力人丁及全家逃走者限三月內首身決杖十三

捉獲決杖十五依舊收管差使限外不首身本家却令
兇孫弟侄情願投代本指揮人員保明押令赴官呈驗
得中依例刺手背收管却給元舊地土耕種如限外不
首及捉獲又無人代名者即將地土納官別招人如元
逃弓箭手却來首身者決杖十七捉獲決二十其地土
如本家已有人承替及別招到人請射其逃人少壯有
武勇者亦乞却勒依舊別給空地土耕種如刺手背人
員弓箭手年老病患令兇孫弟姪承替及逃走首身捉
到其中亦有年老軟弱病患者當官呈驗委的不任征
役即乞給與公憑放令逃便或刺手背人往別州軍界
逃避及出取却字號驗認有癥瘕隨身別無公憑捉送

所屬州軍勸斷施行從之 慶歷元年十一月涇原路
總管司請修業燹寨募強人弓箭手十指揮從之 二
年十一月詔涇原路弓箭手避寇未還者令經畧司招
輯之 六年九月知并州鄭戩言廊府二州有並塞閒
田可招弓箭手一二萬人計口給田以為種場之防從
之 皇祐元年九月秦鳳路經略司言秦州沿邊弓箭
手雖令同社助錢買馬然貧不得以自給故馬多闕乞
計市屬戶接漢界土田以資贍之從之 三年二月涇
原路經略使夏安期言選弓箭手萬三千人分隸東西
路都巡檢下屬歲豐稔名至州大閱投繫精強且言可
當正兵五七萬因上弓箭手陣圖法有詔獎諭 四年

三月鄜延路經略使狄青言延州保安軍弓箭手押官
以上皆給身分田欲自十將至指揮使量其家口數更
等第益以閭田從之 至和二年四月知并州韓琦言
相度成州寧化軍宜如岢嵐軍例去北界十里為禁地
其餘地請就委鈐轄蘇安實字卿卿與兩州通判召募
強壯人刺為弓箭手分給其田令住坐防邊從之 嘉
祐六年五月詔陝西逐路經略安撫司沿邊州軍所置
寨戶弓箭手專令防托邊界累曾約束訓練今後所屬
專切提點有田土未足者速根括支給未置到鞍馬器
械者限一月勅置足除係邊界禦捍巡防外雖官中工
役不得抽差違者以違制論 七年四月涇原路經畧

安撫使司言先有條約沿邊弓箭手除巡防捍禦外一切不得役使近日本路沿邊諸州軍城寨却申乞借情弓箭手家人應副官中雜役看詳弓箭手各有身分地土每遇輪番往邊上巡防寨坐即全仰給家人若更差借即是兩項差使雖已禁止蓋緣元初未有正條乞於弓箭手舊條內添入應逐處官吏如敢以借情為名擅役使弓箭手家人者不以官私色役並於抽差弓箭手條內同罪定斷從之是歲除慶州西谷寨弓箭手地

基稅錢

治平四年十二月二十一日

神宗即位未改元

詔涇

原路經畧安撫使司常切安恤賑貸本路弓箭手所有見逃人數多方招喚依舊住坐

神宗熙寧元年二月

知青澗城劉恁言本城所管歸明弓箭手八指揮元額三千四百餘人馬九百疋連歲不登已是艱食復會絃州事宜物價翔踴逆至孳畜餓殍罄盡逃亡者多官馬死者十已四五白草順安西寨正當西界滿堂川素藉此弓箭手禦扞今隄防罅缺深可為虞竄見丹州儲糧陳積乞行賑貸令戶口自赴丹州請領所貴人可存留兼不廢耕耘秋成有望詔本路轉運使詳所奏施行二年十二月環慶路經畧安撫使司言知環州种諤言本州及鄰近州軍刺手背弓箭手多相勾扇逃走或因事投別路州軍已嘗奏乞下陝西有弓箭手州軍子細驗認手背如內有元係別州軍者即便押迴本處所貴

有以戒約兼聞秦州召募敢勇人每月等第支給料錢
白米深慮誘動環州弓箭手土人轉見教少有悞防邊
本司勘會環州平遠等寨弓箭手係近年招到正當控
扼要害去處最為得力乞下陝西逐路經畧司令所轄
州軍今後如有投充本處弓箭手須是當官驗認委不
是刺手背弓箭手即得招刺如係別州軍刺手背者令
先取問後會本管州軍的寔逃走因依却抽歸本處依
條收管施行從之 五年六月十三日鄜延路經畧司
言相度以舊捉生克正名弓箭手其新刺舊捉生依舊
支賜錢糧從之 八月四日管勾秦鳳路沿邊安撫司
公事王韶言就竹牛嶺東西各招弓箭手一指揮從

之 十月八日詔令秦鳳路沿邊安撫司支官錢收買
鎮洮軍蕃部田土招置弓箭手 二十五日河東察訪
曾孝寬言根括到河北外荒地七百餘頃及沿邊州軍
有不該歸業逃田乞令根括招弓箭手並從之 十二
月三日知太原府劉庠言根括到忻麟州寧化軍空閑
田土詔以可耕地招置弓箭手 六年六月十一日秦
鳳路經畧使張詵言准詔打量官員職田及空閑地得
三千餘頃詔並招置弓箭手內職田仍依例支鹽鈔
十月八日秦鳳路經畧司言差弓箭手強人二千人往
岷州駐劄詔於水洛城及永興軍駐劄軍馬內差人替
歸本路上以邊人調發頻數慮民力不堪故命寬之

十月四日麟府走馬承受全惟幾言乞罷諸州軍廂

兵克弓箭手從之

初河外曠土上遺帶柳器械王中正

運使趙子幾獻募民為弓箭手以實之可有屯戍轉而不較廉給之費故罷之

五日詔麟府路弓箭手

近行招添全藉安集本州及城寨除合差配及和顧馬

牛驢夫力等皆申經畧使若有賊馬入界許差發訖申

如違並以違制論不以赦降去官原減仍許人告官給

賞錢二百千 六日河東路經畧司言修新招弓箭手

墻院屋宇等詔令官中並為修築如其人願請材木自

備人工者聽 二十五日涇原路經畧司言今後弓箭

手人員立功授班行名下地土更不帶過只令兇獠或

佃戶刺填弓箭手從之 七年三月二十五日知熙州

王韶言乞以河州作過蕃部近城川地招弓箭手外其
山坡地招蕃兵弓箭手每寨三五指揮以二百五十人
為額每人給地一頃蕃官兩頃大蕃官三頃仍召募漢
人弓箭手等充甲頭候招及人數補節級人員與蕃官
同官勾自來出軍多為漢兵盜殺蕃兵以為首功今蕃
兵各情願依正兵例黥面或刺手背為弓箭手字號訖
更於左耳前刺蕃兵字詔止刺耳前 八年六月二十
八日詔岢嵐火山軍堪耕種地土如均給遷移弓箭手
得足即將西陲等寨未開耕官地堪耕種者漸次招置
弓箭手河東典北界分畫疆土有起移弓箭手籍曠土
分給之因其有餘乃命增置

七月十四日臣僚上言以違弓箭手寨戶田土雖有都

數然經畧司自來素無拘管項畝細帳每有取索項下
城寨亦恐經久不明欲乞委經畧司將田段步畝鄰里
戶名單細置籍每有增減逐旋開收從之 八月十三
日詔隴山一帶新經差官按視可耕官田德順軍儀州
四千八百八十八頃令王廣淵籍佃戶刺充弓箭手與
免所納租課內有不願充弓箭手者即令退地土別召
人仍具所籍人馬數目以聞 九月二十二日詔頒陝
西河東弓箭手所養官馬條約 九年五月秦鳳路路
轉運判官孫迥言乞令熙河路經畧司與提舉弓箭手
司同共據本路見在弓箭手編排選定係堪充代正兵
之人所貴不至虛費財用從之 十年知延州呂惠卿

言自熙寧五年招到弓箭手只是權行差補未曾團定
指揮本司見將本路團結將分除出守禦人數外不多
今來弓箭手並係少壯堪任教習戰守之人其乞排連
軍員遂與團成指揮都分置立將校統轄即於臨時易
為勾喚除保安軍時零欲只就近撥屬順寧寨舊管漢
戶弓箭手第七指揮外餘並便團作四指揮仍依資次
排在沿邊第九指揮之下其闕人數候招到即逐旋撥
填所有管轄人員各立一名仍以見管節級揀人材武
藝最強之人排充兼尚有空閑地土見令招人其後來
招到人數即便發入今來團成都分從之 元豐元年
六月十四日經制財用司言熙寧路弓箭手昨准朝旨

四人同治官莊一頃頗聞困於役便見闕二千人欲罷
四人治田指揮唯收成時聽督應副收穫餘毋得役兼
秦鳳路轉運司綱運所兵級已招隸本司乞勘會元額
下陝西轉運司簡廂軍校喚以充治田如不足益以選
中保寧兵從之 十一月十七日河東路經畧司言准
中書送下河東沿邊安撫司王崇拯言豐州永安保寧
二寨地昨與西界首領商量分定以奢俄滿界委官標
量合耕地三十頃有畸乞下本司更令案視募弓箭手
本司今欲依崇拯奏施行從之 二年二月二十九日
經制熙河路邊防財用司言乞收熙河岷州通遠軍官
員職田以募弓箭手視逐官元給頃畝每頃歲給本司

錢十千從之 三月十四日秦鳳路經畧使呂大防言

階州漢蕃戶獻納并根括田五百二十頃可募指揮弓

箭手詔依沿邊法人給地兩頃 八月六日計議措置

邊防事所言以涇原路正兵漢蕃弓箭手為十一將第

一第二將駐渭州第三將原州第四將綏寧寨第五將

鎮戎軍第六將彭陽城第七將德順軍第八將水洛城

第九將靜邊寨第十將隆德寨第十一將永興軍奉天

縣並徙之仍於分定將內別定一將策應熙河路 三

年二月七日河東都轉運司言憲州靜樂縣民請射石

神慢坡塢荒地千餘頃置弓箭手五百人歲輸租米三

千石今據靜樂縣尉接行止有百二十三頃即令林木

蕃茂乞禁採伐養成良材以備官用從之 三月十四

日上批聞群牧行司就給諸路弓箭手馬殊不堪宜專

一委有風力監司覆按訖支配遂命陝西轉運使李稷

按之 四月二十一日入內東頭供奉官瀘州勾當公

事韓永式乞差熙州弓箭手都虞候呂昱為指使上批

昱本熙州弓箭手累立戰功補都虞候近私隨韓存寶

討夷賊本路已作逃亡除籍故因蹟無所歸可與三司

軍將令帶隨行 五月二十一日權發遣廊延路鈐轄

曲珍乞德順軍界祖父弓箭手地改正戶名不可則乞

輸錢詔曲珍累有戰功其地四頃半特賜之 七月十

七日詔經制瀘州夷賊韓存寶所將涇原路弓箭手可

月給其家十將以下至長行錢一千副兵馬使以上二千都虞侯以上三千 九月二十九日熙河路經畧司乞團結蕃弓箭手從之 四年五月二日涇原路經畧司言本路弓箭手關地九千七百頃渭州隴山一帶州原陂地四千餘頃可募弓箭手二千餘人諸佃戶或不願應募乞如熙寧八年八月詔收其入官及以逃亡弓箭手地均給田少之人詔渭州德順軍隴山一帶地令民依舊佃租見充弓箭手逃亡限滿不首獲者其地即與關地弓箭手 七月二十七日熙河路都大經制司言蘭州西使城川原地極肥美兼扼邊面須多選募強壯以備戍守熙河民兵唯北關最得力又地接臯蘭歲

此卷有典職
官提舉弓箭
重者

入特厚竊粟克行人馬驍勇今復蘭州遂可廣選募欲
乞除留置官莊地並募弓箭手人給二頃緣初置州城
難得耕牛器用若募新民必種植不得乞依熙河舊例
許涇原秦鳳環慶及熙河路弓箭手投換仍帶舊戶田
土耕種二年即收入官別招弓箭手從之 五年正月
五日廊延路經畧司乞以新收復米脂吳堡義原細浮
圖塞門五寨地置漢蕃弓箭手及春耕種其約束補職
並用舊條從之 二月十五日詔提舉熙河等路弓箭
手營田蕃部共為一司隸涇原路制置司許奏舉幹當
公事官一員准備差使使臣三員給公使錢千緡 同
日秦鳳路提點刑獄康月言熙河路四州軍弓箭手開

拓之初借牛種借助等錢及承地認欠之數近諸州軍
依例檢舉督索緣逐人久在軍前方此休養望令倚閣
候歲豐日依料次送納詔與展限二年 二十四日知
秦州呂公孺言經畧司常平錢斛法以救恤屬蕃弓箭
手之類今所存甚少望特權借提舉司錢斛相兼支俵
仍展至三月詔權借錢穀五千貫碩 四月十六日詔
蕃弓箭手陣亡依漢弓箭手給贖漢弓箭手出戰因傷
及病羸不能自還者並依軍例賜其家 五月四日詔
引戰環州弓箭手都指揮王隱舊病右目因奪隘力戰
箭中左目與丁班借職給俸祿於其身並與引戰支賜
仍許子孫承襲 六月五日鄜延路經畧司言權度蘆

寨主折可適等乞招弓箭手借與地耕種從之 七月

七日提舉熙河等路弓箭手營田蕃部司康誠言與兼
提舉營田張太寧同議立法乞應新收復地差官以千
字文分畫經界選知農廂軍耕佃頃一人餘並招弓箭
手人給二頃有馬者加五十畝從之 十月十九日種

謂言乞以永寧寨敗漢蕃弓箭手及再招填得力人各
支馬一疋不納元買價依舊給馬口分田從之 六年

正月八日提舉熙河營田蕃部司言蘭州及定西城新
招弓箭手貧乏無種糧牛具乞貸錢十五萬貫與之俟
墾地得穀償納從之仍增賜十萬貫 閏六月二日廊
延路經畧司言弓箭手於近裏縣置田兩處立戶及四

丁巳上乞取一丁為保甲一丁為弓箭手有二丁至三
丁即且令充弓箭手詔保甲願充弓箭手者聽其見充
弓箭手與當丁役毋得退就保甲陝西河東准此 二

十七日詔借軍須錢五萬緡與陝西轉運司支貧關漢
蕃弓箭手 九月十七日權主管秦鳳路經畧司呂惠

卿乞輪差將官在外城寨駐劄訓練漢蕃弓箭手兵馬

從之毋得翔修廨舍 十月十九日秦鳳等路提點刑

獄權主管經畧司呂溫卿言昨點檢漢蕃人馬秦州奏

弓箭手比元額少八百四十三人馬三百六十五疋取

諸城寨弓箭手丁產簿初無開收不可鈎考經畧司亦

無文籍勘會三陽寨主內殿崇班楊應辰到任三季招

漢蕃弓箭手五百三十三馬一百七十二主營治坊堡
供奉官王訥根括伏菴城等三寨荒田三百六十頃以
此見其餘城寨隱陷荒閑必多兼訪聞甚有冒佃及弓
箭手占在名下不刺人丁乞降指揮令軍畧司遣官根
究城寨弓箭手官田置籍具佃人姓名頃畝一送經畧
司一留本城寨開收其前占佃人並免納租釋罪止令
增刺人從之 七年二月三日廊延路經畧司乞選保
安軍蕃族貧闕單丁弓箭手刺充捉生從之 九月四
日詔知秦州吳雍依近降法分四教場教漢蕃弓箭手
八年六月二十六日哲宗即位未改元詔罷秦鳳路置場集
教弓箭手令經畧司講求土人習教所宜立法本路經畧安撫

司公事呂溫卿乞寬漢蕃
弓箭手集教故有是命

七月二十二日詔河東第十

一將下弓箭手新定團教等條格及創添上蕃人教更
不施行令本將並依舊條管轄教閱不得有妨農務如
合增損條約仰經畧司講求土人教習所立法以聞
哲宗元祐元年三月十八日樞密院言請以蘭州通
遠軍沿邊水陸田募人充弓箭手他路舊人聽帶舊地
換充並依例給田自買馬者加五十畝仍官借錢糧俟
及三年乃令應役從之 二十八日詔罷提舉熙河等
路弓箭營田蕃部司 四月十二日權發遣秦鳳路經
畧安撫司公事范育言熙寧八年內知秦州張詵奏諸
城寨弓箭手寨戶蕃戶稍覺闕食欲將秦州省倉陳次

斛斗借支接濟候夏秋熟日常平倉撥還今秦州外城
寨省倉年計亦有剩處經畧司常平公據羅買糧草亦
有椿管之數乞將來如遇本倉糧斛賑揀不足許以省
倉年計之餘陳次麤色斛米借支並將經畧司常平公
據羅買糧草約度存留准備緩急移用外逐急支貸或
量減市價出糶從之 九月二十六日兵部言涇原路
隴山係官地例為人指占量輸租課實緣侵畧畧無色
役累有朝旨令招刺弓箭手而人戶侵冒歲久財力富
強奸獍日深儻非稟自朝廷置局柝置標撥無以度絕
奸獍從之 十月十八日熙河蘭會路經畧司言乞將
新復呷囉川一帶地土依舊令定西城柝置弓箭手耕

種從之 四年正月二十四日詔石州葭蘆吳堡兩寨
弓箭手所貸錢解限三年為六料隨二稅送納以同主
管河東沁邊安撫司公事郭宗顏請也 四月十二日
涇原路經畧安撫司請將隴山一帶弓箭手人馬別置
一將管司仍以涇原路第十二將為名詔令本司奏舉
大使臣二員充訓練官候二年減罷 十一月四日詔
涇原路弓箭手以家業分三等月集社錢買馬上等二
百中等一百五十下等一百以脩死損添填從本路帥
劉昌祚請也 二十三日殿前副都指揮使武康軍節
度使劉昌祚奏根括隴山地九一萬九百九十頃招置
弓箭手人馬九五千二百六十一人騎賜敕書獎諭

五年四月三日熙河蘭岷路經畧司言乞委城寨使臣
同召募少壯堪耕戰人刺充弓箭手每員祗及三百人
着業及一年減磨勘一年百人減半仍委知通提舉每
及六百人各與減磨勘一年三百人減半從之 七月
九日涇原路經畧司言請自元祐三年五月以後根括
違法典買蕃部地土人與免罪許以兩頃五十畝出刺
弓箭手一人買馬一疋從之 十一日詔涇原路隴山
及安化縣新招置弓箭手及已降指揮將陳首違法并
許典賣蕃部地土人據頃畝合刺弓箭手令本路經畧
司指揮別圖為將以訓練將為名 七年八月十八日
詔河東陝西弓箭手自今應排轉承襲承替補職付身

文字除十將已下從經略司一面給帖外餘悉令兵部
上樞密院都虞候以上降宣指揮使以下降明旨令經
畧司給牒 十月二十九日河東路經略司言應弓箭
手年老或病患不任征役者給公憑放停令看詳未有
立定許揀選之人其間不無隱庇切慮緩急有誤驅使
欲委知州軍並將官因每歲教閱揀選弓箭手如有年
高或病患及尪弱不任征役之人許本家或親屬內選
人承替若遇災傷及七分已上權免教祇令作番次抽
揀從之 八年正月二十七日兵部言河東路臨府豐
三州弓箭手承見耕熟地者與免一年得舊熟地今荒
閑者與免二年得生荒地者與免三年上番從之 同

日麟府路體量安撫史奏弓箭手每指揮多不數額緣
弓箭手不資錢糧可代正兵而又便習弓馬勇於戰鬪
諳熟山川通知出入道路在邊防誠為得力所以招置
不足緣河外地瘠差役頻併欲行下河東路經畧司
詳度乞令巡檢司多方招置外其所招並須土人為保
若任內復有逃亡任終考察不理人教從之 紹聖元
年四月十一日兵部言河南州軍弓箭手每遇耕種收
刈月分如願替請令五日一替如地理遙遠人情不願
及農隙月分即仍舊條半月一替從之 十一月一日
權兵部侍郎韓宗師言河東陝西賦田招弓箭手號邊
郡勁兵請令六路經畧司悉表隙地益招置地瘠必以

差增之詔逐路經畧司措置闢田募士多者樞密院以
聞 二年正月十六日兵部言投弓箭手者經所屬官
陳狀召有家業二人委保不是奸細化外兩地供輸蕃
部河東義軍及已條弓箭手人年十七至四十堪披帶
射七斗弓者諸闕有兩人以上投刺者揀武藝高強人
充有司如招到已條弓箭手河東義軍年不應格不堪
披帶不責保或蕃部兩地供輸化外姦細人等者坐罪
有差仍奏裁保識人亦坐罪有差招弓箭手應賞而曾
經上條責罰者雖該恩原罪不復推賞從之 三年五
月四日樞密院言涇原秦鳳熙河路弓箭手蕃兵已專
委鍾傳往逐路團結及因便犒賞按逐路正兵昨等第

給賜陝西河東路經畧司度牒回易專脩探事及激賞
漢蕃將今來遇有出入或因鍾傳犒賞經畧司亦合相
度隨宜於回易錢內給賞詔熙蘭岷路涇原秦鳳路經
畧司隨宜於回易息錢犒賞務要漢蕃士卒例霑勞賜
激厲士氣并下廊延環慶河東路 六日詔在京府界
諸路馬軍槍軍並改充弓箭手蕃習蕃槍 四年五月
八日詔張詢巴宜專根括安西金城膏腴地土頃畝可
以招置弓箭手若干人具圖以聞 元符元年二月十
七日樞密院言鍾傳奏近准朝旨往涇原與章濬講究
進築天都山南年等處今相度如展置青南訥心須置
一將正將在青南訥心駐劄副將在青南訥心嶺耳中

間駐劄逐城寨防守軍馬乞權於熙秦兩路輟那新城
內地土並招弓箭手居住仍置提舉官二員熙秦兩路
弓箭手每指揮以三百人為額乞作二十指揮招置不
一二年間湏得數千民兵以充武備從之七月二十一
日詔陝西河東路新城寨合招弓箭手並依元豐四年
九月詔許別路弓箭手投換其元祐八年四月不得招
他路弓箭手指揮勿用先是熙河蘭岷路招置弓箭
手李夷行奏請新建會寧關全賴投換弓箭弓庶諧山
川道路故有是詔二年二月十六日樞密院言提舉
熙河蘭會路弓箭手李夷行言乞許弓箭手就城寨將
副處招刺以絕州府往返勞費及留滯邀阻之弊從之

十二月二十一日樞密院言呂惠卿奏本路沿邊漢
蕃弓箭手蕃捉生自來每遇事宜作一番差在沿邊地
防把截及將下准備使喚無事日分作兩番令西賊進
上警表已裁減東兵外尋令逐將撥分定地防把截等
合用處作三番或四番令一番在邊防守餘令下番更
不支口食草料仍諸路並合依此裁減上番人數庶漢
蕃軍兵稍得休息及時耕種安業不至坐糜糧食從之
三年三月八日徽宗即位未改元提舉涇原路弓箭手安師
文涇州罷提舉弓箭手司從章燾之請也 徽宗崇寧
二年十一月二十四日提舉涇原路弓箭手安師文奏
據權通判德順軍事盧逢原申根括打量出四將地分

官下五寨新包占到舊邊壕外地土共四萬八千七百

三十一頃二十六畝零一百七十四步半

項係自來懷遠隘德勝靜邊治平五寨地分舊管三十

十六指揮合得身分地每指揮元只合得五百一十

三萬三百七十一頃二十六畝零一百七十四步半

今來邊原根括打量到自來弓箭手員占出剩地土數

除山坡溝澗不堪耕種之地外有三萬九百六十三

頃五十九畝零二百三十五步半內二萬九百餘頃已

有成效一萬六千八百三十三頃已國立括剩別成三十

三十五步半臣契勘朝廷方惠新邊之田為公私侵

見召人請射冒設官立法可謂備具今來盧逢原根括到上項堪耕

種地土乞朝廷詳酌特賜優賞詔盧逢原特轉三官差

提舉鄒延路弓箭手將寨官等令弓箭手司保明聞奏

五年三月二十二日權發遣陝西府路轉運判官黃鐸申勘會沿邊新置城寨遠近甚有肥沃地土多被城寨官及詭名目召人耕佃或作園圃蒙庇循習官不檢察似此之類有妨招置弓箭手擬乞指揮下提舉弓箭手司體究冒占田土分給與歸順蕃戶耕種使之莫居安業而有常心詔依所乞不得別致搔擾使蕃漢人戶有失安居河東路依此 政和二年十二月三十日詔諸路漢蕃弓箭手守邊捍禦藉為軍鋒素號驍勇可令安撫司提舉弓箭手官存恤使謀生足食以寬邊徼仍令尚書省樞密院同措置 五年二月十八日詔陝西河東逐路自紹聖開拓邊疆以來及西寧湟廓洮州積

業此四字當
為據字

石等處新邊各有包占良田並合招置弓箭手以為邊防
防籬落至今累年曠土尚多蓋緣自罷提舉官隸屬經
畧司事權不專頗失措置根括打量催督開墾理斷交
侵等職事盡在極邊帥臣無由親到窺慮因循浸久曠
土愈多銷耗民兵人額有害邊防大計兼提舉文臣罕
能躬親銜肩寒暑奔走往來議事可令陝西河東逐路
并復置提舉弓箭手司仍各選差武臣一員每路勾當
公事使臣二員每歲令樞密院取索逐路招置弓箭手
并開墾過地土比較優劣殿最取旨黜降 四月二十
七日大尉武信軍節度使童貫奏稱提舉陝西河東路
弓箭手何灌等申請畫一下項 一親邊地多有侵冒

自來將寨官已失覺察今慮隱庇前非無緣得寔欲乞
於近襄州軍差出文武官及本處將寨官同共打量根
括本州軍知通覺察情弊候打量了日逐官連街保明
申 一所立首限乞自今年七月一日為頭其打量自
十月一日為頭庶不妨農事 一新遣官員職田多是

挑揀膏腴地有害招置良法令欲並行拘收依條於近
襄州軍支給價錢 一檢承崇寧弓箭手通用勅給田
所屬出給戶帖又敕稱所屬者謂州縣城寨緣此諸路
自來出給戶帖不一不無移易情弊乞今後並從提舉
司出帖下所屬州縣城寨給付如有阻節情弊聽赴訴
一沿邊騎兵最為先務今逐路弓箭手關馬甚多自

未雖有馬社錢補助買馬緣所積不多馬價倍貴歲給
買馬不過三五匹若非朝旨支降無緣增置騎兵今欲
乞支降綱馬均配逐路弓箭手內熙河路乞依舊令弓
箭手選買官支價錢其支降綱一乞專委邊防司計置
分撥 一逐路各許指名抽差手分三人貼書二人緣
今來復司之始文移繁冗欲乞逐路添差典書二人貼
書二人請給還轉出職並依提舉保甲司已得指揮施
行兼先罷司日人吏多在諸司充役諸知本司行遣欲
乞許本司勾抽諸司不許占留仍許通理在司月日聽
從優處出職 一弓箭手租田其所出租子見隸經畧
司緣弓箭手借助牛糧種子及賑貸之類並係提舉司

責限支給今欲乞將前項租子撥隸提舉弓箭手司不
惟支遣不至留滯闕誤兼得職事專一 一欲乞逐路
踏逐奏差校尉已上小使臣二員充本司准備差使並
依經畧司准備差使條例如有遺礙乞特行差注一次
一按試弓箭手武藝舊分三等支賞出等人支三錢
銀稅第一等支二錢銀標子二等支一錢銀標子其所
支賞物雖可以激勸緣極遠難得躬甲竹箭今欲乞逐
路各支降射甲箭三五萬隻遇按試武藝精熟及開耕
土地招置人馬數多量輕重支給充為激賞 一弓箭
手指射堪好地土盡絕內有薄弱稍堪耕種者自合增
給其不堪耕種者若一例品搭則全無所得地利贖家

不足遂致逃亡深害招刺良法令欲乞將不堪耕地土
除豁更不品搭 一弓箭手自來均糶雖分等第緣物
力貧富不同遂至輕重不均今欲乞上等均糶三碩中
等二碩下等一碩依在市中價及乞依崇寧弓箭手數
本戶結糶法預借價錢其新招到人權免二年年均糶
一元降指揮提舉弓箭手官理任請給恩教等並依提
舉保甲司條例施行契勘逐官次序不等緣曾任都鈐
轄鈐轄知州軍路分都監資序所有請給人從隨行指
使接送人並乞依上項從高條令支破施行 一契勘
提舉弓箭手司舊規提舉常平司檢承崇寧三年正月
教節文提舉弓箭手官歲舉改官縣令比提舉常平官

減半今來本司係依提舉保甲與提點刑獄條例並同
欲乞荐舉改官縣令依提點刑獄官減半外有分曹建
掾後來添舉改官員數內零分更舉一員其逐路城寨
當職使臣並係奉行弓箭手職事所有荐舉大小使臣
乞並依提舉保甲司條例更不減半 一元指揮禮部
每路各支降空名度牒一百道應副新邊招刺今來法
行之初招刺人便合支借錢糧所用不少窮慮度牒難
以便行變易欲將上件度牒共六百道並回納却乞逐
路各支降錢三二萬貫令平貨西場計置物帛起綱前
去應副 一保甲司歲賜公使錢四百貫今來本司拘
置之初搞設得力官吏比保甲司不同支用不足欲乞

逐路各添賜錢六百貫以係省頭子錢充如不足支轉
運使錢欲逐司添支錢三百貫一弓箭手所置耕牛
欲乞於角上官用火印如不堪使用即令別買赴官呈
驗火印訖却將替下牛火印退字方得貨賣如違許人
告捉支賞錢五十貫買賣人均備仍依質賣兵器法
一熙河新邊一帶土地荒蕪太久開墾甚難又人貧少
力種糧倍貴故弓箭手旋募旋散今雖當厚借貸以廣
召募亦宜委曲措畫以成地利如前日湟州東原近千
頃亦以荒曠太久人悉置而不問因得漢唐引水故渠
修葺引水不一月間其田悉為膏腴人之占射者溢教
今西寧湟廓一帶可入水之地甚多又漢唐故渠間亦

依稀可考今欲乞於本路近裏弓箭手步人內輪差三五百人每月一替開渠引水以變荒曠難闢之田以勸富强難募之民又地之所入可數倍於旱田庶得新邊立見富强並從之 八月六日樞密院言提舉涇原路弓箭手司狀據人戶李德等告論冒種田土乞行打量及施照本司前後受理侵冒官田公事動經三五年不能了當欲將近裏弓箭手地土但有爭訟其論侵耕冒種之處並行打量庶幾杜絕侵冒之弊從之 九月提舉河東路弓箭手司奏檢會熙寧八年閏四月四日河東路察訪司奏據代州繁峙縣百姓冀榮等伏乞請射東作村人戶住佃官莊地土役充弓箭手續擬李素等

三十五戶狀稱自來先祖不記年月住佃本村係省官
莊地土逐年出納租課不曾有闕若招弓箭手退却地
土人戶立見逸移乞依舊承佃供輸本司體訪得沿邊
州軍逐處招置弓箭手多是將人戶久來用力開耕到
熟地指射剽奪住佃其舊佃人戶便致失業又所出租
課只比佃戶五分之一顯是官私不便今欲乞應係官
莊屯田已有人出租承佃及五年者並不在招置弓箭
手請射之限所有今來莫勞等指射地土亦乞依此施
行本司勘會本路沿次邊諸州軍縣寨熙寧八年以前
人戶租佃合招弓箭手係官地土不少為有前項熙寧
八年閏四月四日朝旨自來不敢招人投刺弓箭手請

射今體訪得上件地土多是膏腴盡被有力之家量出
步小租課佃種其碩畝不及弓箭手合納租課十分之
一二虧損官課大為僥倖今且以忻州秀容一縣地土
數少去處先次根究到熙寧八年以前人戶出租承佃
官地七十八頃每年出納租課二十九碩若招弓箭手
請射每二頃五十畝充人馬地一分計合招三十一人
以肥濃及稍堪耕種地土相兼依本路弓箭手久來出
納租課條令取酌中數目每畝止納租課三升計合出
租二百三十四碩比之見佃人戶所納租課增添二百
五碩本路弓箭手請射官地所出課則例係自景德四
又得弓箭手三十一人應副邊防差使若將一路租佃

官地盡行根括不惟增廣邊兵兼增添入官租課其河東路察訪司元初不以邊防民兵為姑息佃戶是致有此奏請當時灼有藝律但年歲深遠不可根究欲乞應熙寧八年以前人戶租係官地土並先行取問見佃之人如願令少壯及格家人或正身投刺弓箭手每出一丁許依條給見佃地土二頃五十畝充人馬地一分如所佃地土不足別行貼撥若不願充弓箭手及出丁外尚有請占不盡地土即拘收入官依條品搭成分台人指射投刺或給與見闕地之人又奏代州崞縣寨見管戶絕逃田官莊天荒地三百二十六頃內已有佃人并人戶指射願自備錢買馬投刺弓箭手若許依所乞即

一路增添民兵人馬不少以備緩急委是利濟伏望詳酌施行詔送邊防司看詳本司看詳河東路熙寧八年以前人戶所佃官田不出民兵量行出租從來未曾根括委是虧官今來本路申請乞行拘收招置弓箭手事理可行但上件田土元係官莊天荒人戶開耕並為熟地歲已深遠若不量與立限一起拘收恐於人情未便今相度欲依河東弓箭手司所申施行外其見佃人如願出家丁及正身充弓箭手給田外尚有剩地更許召親戚承刺限一年無人就刺即行拘收別行召人所費不至督逼公私隱便從之 二十七日奉承御前處分邊防司奏旋河灌申檢承當承二月十七日聖旨招到

弓箭手並於合給地土數內各增給地土一項有馬者
更增三十畝緣極邊土地甚重不宜容易添展又弓箭
手舊得二頃若能使自耕則人人自己當強令遍詣新
邊自隄州以次西寧等州諸城寨相視得地土悉皆膏
腴不消別有增添惟有西寧州清平寨積石軍懷和寨
地高氣晚間歲種收緣此夕人願募理宜增地今相度
每石欲只增地土五十畝共作二頃五十畝餘並依舊
本司看詳欲依上項所申外其有馬者並依元降指揮
施行從之十一月十日邊防司奏據提舉鹿河蘭隄
路弓箭手河灌申本路邊遠土地至重非特養兵待戰
而收復之初艱難亦甚深宜寶惜今在弓箭手雖已不

容侵冒而漢置蕃田尚甚泛濫近緣打量其人亦不自
安首陳已及一千餘頃若招弓箭手即可以招五百人
若納租稅依條每畝三斗五勝草二束一歲之間亦可
以得米三萬五千碩草二十萬束今相度欲乞將漢人
置到蕃部土田願為弓箭手者兩頃已上刺一名四頃
以上刺二名如不願者依條所定租稅輸納其巧為蕃
部將已買到地土別為名影占者重為禁止庶邊遠重
地不至僥冒本司契勘欲依何灌所乞外有別為名影
占者許人首告以所告地三分之一給與所貴有以革
去影占之弊從之 同日邊防司奏提舉河東路弓箭
手同申檢會崇寧陝西河東路弓箭手通用教諸戶絕

田土委本州具項畝姓名申本司招置弓箭手今點檢
得管下州縣戶絕財產條內有合給者州縣公人作契
將地土小估價直給與得財產人若不申請即戶絕田
土無緣拘收招置民兵欲乞應本路沿邊戶絕財產依
條給與者先給見錢物帛斛什物畜產之類次給舍
屋或不足許給地土所貴戶絕田土本司拘收招置漸
有增廣以備邊防從之 十三日邊防司奏提舉涇原
路弓箭手司奏據通安寨等處蕃官耕種外餘剩冒占
地土往往荒閑不曾耕種及不曾牧放牛馬止是虛冒
占怯不令漢人請射今欲將蕃漢所占地土除已開耕
熟地着業外將不曾承準朝旨止是州軍安撫司一時

徇情所撥地土及不曾耕種見今荒閑川原慢坡地土
並打量給發招置見闕人馬將不堪耕種去處撥充收
放地土庶幾得盡地利增廣民兵從之 十八日提舉
河東路弓箭手司申檢承政和三年四月十九日詔諸
道監司置簿應一路州司錄事各以其簿授之將事之
稽違已經科舉者具載其上候迺司巡歷到檢察曹案
對簿所記者其勤惰歲終諸監司參較定為優劣悉聞
於上以俟陞黜契勘本司近奉御筆復理任等並依提
舉保甲司條例與提刑司事體一般今來復置之初奉
行御前處分朝廷措置并本司推行事務不少切慮合
依上條置簿檢察參較緣未有許置籍并依諸監司參

較定為優劣悉聞於上明文乞詳酌降下邊防司契勘
提舉弓箭手官理任等並依提舉保甲司條例與提刑
事體一般兼招刺民兵係備邊防戰守事務頗重欲陝
西河東路弓箭手司並依先降教條置簿檢察及歲終
監司參較定其優劣聞奏從之 二十二日邊防司奏
提舉郎奕路弓箭手張琚申近巡歷管下新邊城寨包
占到地土召人請占徃徃多是近裏城寨管蕃官指占
地土有及千頃或至五七百頃既已拘占招刺只及百
餘人或五七十人遂生僥倖不肯招刺羸落官中空閑
地土恣意冒種且如威戎城四至界內見今却有黑水
安定堡蕃弓箭手請射地土住坐耕種之人洎至威戎

地官前去根括打量勾呼却稱我隸黑水安定堡管轄
至如黑水等堡勾呼又妄稱威戎城地界管轄似此互
相推避不唯有害根括打量又妨平日檢察姦細理斷
公事既是近裏城寨所轄却在近邊別寨地內住坐幾
急有害邊防大事自未官司失於理會因循至於今日
已牒逐地分將寨官照會如有別寨漢蕃弓箭手請射
本城寨界內地土耕種住坐合依天下諸州軍縣鎮體
例隨地隸屬逐城寨管轄所貴易為根括地土及就便
覺察姦細勾呼理斷公事萬一起遣各得就便專一免
致兩處亂有推避從之 十二月九日邊防司奏提舉
涇原路弓箭手司申承朝旨打量官若事未畢而任滿

許新官就任其打量官並候打量了日罷任本司契勘
根括地土地分潤遠限內難以周遍陰雪泥滑農務未
畢不免等候其打量官內有已替之人別無請給人從
委是難以坐待乞從本司時暫差權本路州縣城寨關
官去處其請給人從管幹月並並依逐處見任及所差
官別無通理在任月日明文亦乞特降指揮從之 六
年九月四日詔逐路提舉弓箭手官常切誨求興利除
害嚴刑戒飭當職官等無輒差科搔擾優加存恤勸誘
以時耕種務使安居桑業家給人足增壯軍聲以寔邊
陣仰邊旋具已施行次第以聞 宣和三年八月十七
日樞密院言知定邊軍楊可世申自來陝西沿邊歸順

熟戶蕃作過者編置東南州軍多是慣習弓馬茶點之人比者東南盜賊切意不可存留在彼乞選少壯堪任戰鬪者發赴定邊軍安撫司收管刺充弓箭手從之

七年五月九日德音應陝西河東蕃官蕃兵漢蕃弓箭手合該承襲偶緣差赴京東河北路收捕群賊使喚致限內失於陳乞出違條限候回日許經所屬自陳特與理限承襲十一月十九日南郊制應陝西河東沿邊弓箭手蕃兵見欠借貸錢物未經除放者仰經畧轉運提刑提舉司開具聞奏當議相度等第倚闕除放其昨因收捕羣賊立功未經推賞因患身故之人特許依戰歿條制承襲應歿於王事被錄用親依條聽十年內陳

乞差遣雖已出違條限如在十五年內者特與限兩季
陳乞應合承襲之人限百日陳乞如限內有夫申陳在
一年內者特與展限一季所屬勘會詣寔若少壯無病
患武藝及等堪任披帶聽保明申本路帥司驗寔以聞
當議許令承襲 欽宗靖康元年二月二十四日詔罷
陝西河東提舉弓箭手官以其人復隸帥司 五月七
日監察御史胡舜陟言國家自熙寧以來陝右沿邊招
置弓箭手無事之時則服田力穡不仰給於官農陳之
際則操戈挽彊得以閑習一有警急則馳以直前號召
不遠其與招兵之利異矣自河以北信安軍及霸州文
安清州乾寧等縣雖有淤澱田土招置弓箭手然皆出

租課以助邊廩乞應河北沿邊州軍並如陝右招置弓箭手法給付田土蠲除賦租第其等級團併教習日以防托邊境為事從之 六月一日真定府路安撫司言河北山東荒閑之地頃畝萬數乞依陝西河東體例創起弓箭手從之 十月二十四日詔陝西招置弓箭手給田不依舊法以甲馬相爭見今調發差出者徃徃逃歸依舊却承佃元給田土可令邊路帥司別行招置有甲馬武勇人仍仰錢蓋疾速措置 高宗建炎元年六月十三日赦應諸路漢蕃弓箭手各合該承襲之人因差使出入及別緣事故有失陳乞致出違日限者候赦書到日限百日經所屬自陳許令依條承襲 十月二

十九日臣寮言涇原路沿邊城寨郭外居民盡係弓箭手之家別無稅地人戶自來城寨將粗可飽煖之家一同稅戶安立等第家業應科率一切責辦然有法存恤當職官承習成風不能頓革逃移闕額之患良由如此深慮因循銷廢兵額緩急調發致誤國事前後約束雖嚴無緣杜絕望重立法禁乞令帥司監司守臣嚴行覺察庶使民兵安業不至逃移詔依如違以違制論 二年五月十一日曲赦應陝西漢蕃弓箭手合該承襲之人如有限內失於陳乞者出違條限特與再限一季許經所屬自陳承襲 十一月二十二日南郊赦應漢蕃弓箭手合承襲之人依條限百日陳乞如限內有失申

陳在一年內特與限一季許經所屬自陳勸會詣寔若

少壯無病武藝及等堪任披帶保明申本路帥司驗寔

許令承襲紹興元年九月十五日明堂故並用此制四年紹興二

年五月十六日詔應神武五軍下漢弓箭手除見隨韓

世忠外並依韓世清下軍兵每月權添口食米三斗餘

人不得援例以神武中軍統制楊沂中言本軍見管陝

於本路起發前來赴行在列今四年有餘累次扈從聖

口除每日支破口食錢米外軍日久列各有大小三丙

別無請給養贖不足故有是詔六年三月二十四日宰

執進呈韓世忠奏捷上因語及世忠將所得青徐州土

兵弓箭手皆放歸甚善朕思之不若更與數百錢令去

此事雖似非急務使中原之人知朝廷恩意縱被劉豫

父子驅率亦豈肯為之盡力顧宰臣趙鼎曰卿可作書
速諭張浚 九年二月十日京城副留守郭仲荀言乞
將京城外空閑地土依陝西河東沿邊體例招置弓箭
手給地種蒔詔令郭仲荀候到委官子細點檢如地內
遇有后妃園戚墳塋士庶冢墓并有主私地即仰回互
除豁不得一例標撥侵占

大典卷八千
三百七

宋會要 峒丁

仁宗皇祐四年夏廣南經畧使司以邕州進士石鑑借
昭州軍事推官挈輕兵入三十六峒以朝廷威德曉諭
峒之壯丁以類攻討殺獠蠻頗衆 英宗治平二年八
月二十八日知桂州陸誦言邕州溪洞壯丁乞今後除
有事宜非次勾抽外二年一次勾抽教閱詔依前降指
揮今後每三年終造帳開坐具狀聞奏 神宗熙寧元
年九月二日衛尉卿王罕言乞委廣南安撫轉運司及

邕州知州曉諭諸峒首領體量逐峒人數多少專切禦捍交趾及以本路澄海忠敢於邕州諸寨防托更不須差禁軍往彼詔令廣南西路提舉司常切檢詳前後團結峒丁及添填土兵逐件指揮遵守施行不得聽廢有悞邊備 二年五月十一日詔廣南西路分左右江各置使臣提舉管下寨鎮兵甲每有賊盜遞相應援撫御峒丁首領等並須恩威並濟服從驅策 七年五月二十一日中書刑房言桂州沈起奏昨舉官八員編排教閱邕州五十一州峒丁保甲齊會本州同入諸峒時屬農忙前去未得亦慮外界驚疑生事本司相度欲授與邕州并逐寨使臣規式令使臣與逐州峒知州峒管勾

仍罷所舉官會起自罷詔付劉彝令相度施行 八年
閏四月五日知桂州謝麟言招出溪洞草呼古誠等州
二十三州峒丁二千七百一十九戶九千四百九十六
丁願出納課米量支食鹽逐州知州仍乞補授班行名
目並從之楊光富補右班殿直楊昌進等五人並補奉
職楊琇延等六人並補下班殿侍楊晟情等十六人並
補三司軍將候納到課米即給以鹽 十二月二十一
日廣南西路經畧安府司言乞軍器及峒丁應副軍興
及暫移經畧司往象州並從之 十年十二月二十七
日知桂州趙高言奉詔相度邕欽州峒丁自極邊次邊
腹內分左江右江州峒定到提舉訓練條制賞罰支賜

事節各以條目來上並從之 元豐元年三月九日廣
南西路經畧司乞以兩江峒丁團成指揮權補人員部
轄及置馬社乞降度僧牒五百市戰馬千疋分給峒丁
候教成可戰以次令自買馬教習從之所乞教峒丁馬
戰不行只令習溪洞所長武藝先是權知邕州劉初等
團結成保隊乞每五百人為一指揮別差正副指揮使
二人團頭五人統轄教閱人言州昨晴王師討代交
人因馬取勝願習戰錢選兩江武勇州丁結成馬社分
自買鹽馬每疋官給錢三萬如死即買填馬主備三分
之一餘今社內均出如習閱武藝出倫優與還補仍令
提舉教閱司過呈試注籍如藝疏三次注籍即以其馬
別給藝精之 二年五月十二日廣西經畧司奏根括
團結到邕欽州峒丁成一百七十五指揮內先籍定藝
上等一萬三千六百七人知邕州劉初又乞於邕州左

右江增置將官二員令左右江提舉官就充副將及選
兩江知州峒班行輪十人或八人充隊將或指使逐指
揮官給旗號鐸鼓其器甲標牌之類依溪峒例私各置
辦官置籍拘收詔備錄前後所降朝旨及趙高劉初論
列更制什伍訓練部勒等利害并凡諸臣獻議應干措
置峒丁事並降付曾布令參酌其後布言欲乞令逐鎮
寨監押寨主同管轄兵甲使臣並與巡檢等分定州峒
等專一主管立賞罰條約以為懲勸增置都巡檢使兩
員地分提舉及增首領丁壯每歲按閱及大教搞設例
物其武藝絕倫之人保明聞奏量材補授名目及分孽
使臣主管地分詔添置都巡檢使二員餘送熊本擇可

行者一面施行 九月十九日詔權知邕州莊宅副使
兼閩門通事舍人劉初等二十六人遺官減磨勘年賜銀
絹有差以團結邕欽州峒丁為指揮保隊凡十萬餘人
錄其勞也 六年正月二十六日詔新廣西轉運判官
許彥先廣西提舉常平劉何赴樞密承旨講議廣西峒
丁依開封府界保甲集教法所用錢糧與經畧轉運司
計置 二月十二日提點廣南西路刑獄彭次雲言邕
州外鎮寨水土惡弱乞量留兵更戍其餘盡用峒丁於
管下諸州以季月輪差給禁軍錢糧詔許彥先劉何相
度後彥先等言若盡以代正兵防守妨其農力經久非
便請計戍兵三分以一分用峒丁代季輪二千人赴邕

州肆習武事從之。徽宗大觀二年八月二十八日上
批熙寧團集左右江峒丁十餘萬來自廣以西類以防
守今又有二十萬衆投誠歸化已令張莊依左右江例
相度開奏尚慮官司不知先務措置減裂可依下項一
今來峒丁既願納土可依觀允平從等州例先行犒設
仍更加優厚其結保置籍俸賜犒設教閱按試巡守著
上之類仰並依左右江舊法施行仍務加寬恤條畫開
奏一峒丁能率衆從順宜加優異以適其心舊來有都
副指揮使都頭十將節級名目及小使臣官爵并酬獎
減年未至優厚今宜量與加等之法推恩內有首首為
衆推許并舊來統衆之人可與使臣安排人材尤異者

更與轉三兩官一今來納土之人新歸王化深恐官司
搔擾乞取以失其心可檢會昨降付熙河隴廓侵犯禁
約頒下委張莊措置緣邕州去融州遼遠深恐安化之
初事務繁多張莊力有不及可令與程與同共協力相
度及令程鄰前去邕州就近措置仍並依張莊已得指
揮即不得輒分彼我一歸順峒丁地出良馬可相度置
場博買及其餘出產之物亦仰措置有無相易不得虧
損以利其民條具聞奏一峒丁去交趾稍近今其民革
心從化不係朝廷用兵討伐深慮異意樂禍之人故為
傳布使之驚疑可令安撫經畧司差人贖公文告諭沿
邊及交趾知委不得別致生事一大觀二年六月二十

九日檢會崇寧四年六月三十日勅中書省勘會熙河秦鳳路歸順蕃族熟戶歸投以來本無背叛訪聞止緣官吏及諸色人公然不法奪取財物姦私婦女全不畏憚蓋是法禁不嚴人敢冒犯今擬修下條詔依擬定到湖南北廣南西路新邊依此仍多出榜曉示諸乞取蕃族熟戶財物者徒二年二貫徒三年十貫加一等至一百貫或姦若畧人者斬不以赦降原減諸與蕃部熟戶交易而小為價致虧損者計所剩以監主自盜論諸蕃族熟戶無故輒勾呼追擾者徒二年禁留拘繫加一等三日以上又加一等因而致逃叛者又加一等右入熙河蘭湟秦鳳路勅勘會平允等州已分為黔南路依上

件朝旨即不該載今欲點南路應新邊並依宗寧四年
六月三十日朝旨施行從之仍入點南路勅 高宗建
炎三年七月二十九日詔江西福建廣南東西湖南北
槍杖手峒丁各預先依數團結仍差官總領排揀定姓
名人數准備緩急勾喚 四年七月二十九日知桂州
主管廣南西路經畧安撫司公事許中言本路兩江峒
丁祖宗以來給田薄稅使各家給人足居在窮南冬衣
綿綵尋常來到桂州日已自不勝其寒若更起向北使
喚非徒無益反生大害如臣僚妄乞調發別路戰守許
本司執奏從之 八月二十七日許中言提舉左右江
峒丁司昨緣臣寮上言廢併歸帥司于屬官內遣差一

員兼領竊詳本司主管機宜文字外止有屬官兩員若
就以一員兼領則軍期之際應辦不前乞數内存留一
員充本司屬官專切提舉左右江峒丁及收買戰馬等
公事其請給人從序位並與幹辦公事一等今踏逐宣
義郎賈公庠望特差充前件職事所有合用人吏止令
量置三兩人其創置招誘買馬官候將來往買馬日減
罷從之 紹興元年六月二十九日詔廣南西路峒丁
提舉官歲破公使錢二百貫並行減罷

以本路轉運司
言經略司幹辦

公事兼領提舉峒丁任輝房乙依例支給公使錢契動
峒丁員馬提舉官已罷止令帥司屬官一員兼領乃更
支破公使錢二百貫文即是與存留峒丁買馬提舉四
官無異戶部相度欲依轉運司所申故有是詔

年二月二十一日廣南東路宣諭明橐言邕州有左右

江峒丁欽廉州有公海土丁宜融州有防拓土丁平州
元係王口寨觀州元係高峯寨各有抄邊土丁及省地
山徭上項峒丁土丁各要害防守去處其邕州峒丁本
以防邊交趾比年以來本路帥臣委官點揀差羈廉州
峒官部押赴桂州防拓駁使峒官親屬及其本戶丁夫
未嘗被差其所差者率皆無勢可陵之人科率錢糧置
造衣甲擾之無所不至兼處炎方絕無寒雪自來不備
衣裘凡遇風雨入處巢穴又且炊糲而食以鼻飲水今
乃以防秋之故驅率前來動至三二千人經涉寒冬水
土失常死損居半兼往來剽劫所過騷然頗為民害又
宜融州土丁朝旨始以三等戶五丁以一丁充募名曰

土丁四等戶以一丁充團結至抄邊之地又團結父子
全丁止為控扼當地蠻徭逐時更戍不離本處而比年以
來一例調發蓋同官兵每遇戡守其統兵官多惜正兵
必以土丁當先禦敵乃至負重雜技驚潰損折其數已
多兼土丁別無衣賜請給惟免身丁稅錢其戶下稅米
亦係支撥雖有朝旨許團結土丁免支移之文州縣既
習未嘗得免今來若又團結餘丁則邊民愈擾逃竄益
多乞嚴立禁約行下廣西經畧司應峒丁土丁各仰本
處防守其調發赴靜江府并團結餘丁並各住罷仍令
本路監司覺察如有違戾具狀奏聞 九月五日知鼎
州程昌禹言攻討水賊黃誠楊太等勦會辰州沅靖州

峒丁內有牌弩手今邊州寧靜可以摘差與官軍夾帶
使喚緣昨准朝旨峒丁不須勾抽致未敢一面行下乞
于逐州峒丁刀弩手內選差刀弩手三百人前來鼎州
相兼使喚之仍候捕賊了日發歸元來去處